



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IX. Licitum non est homini privato inducere quempiam ad jurandum
falsum, quod inducens scit falsum esse, licet jurans putet esse verum.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

154. ad Publicolam, his verbis: *Qui uitur fide illius quem constat jurasse per deos falsos, & uitur non ad malum, sed ad licitum & bonum, non peccato ejus se sociali, quo per damnationem juravit, sed bono pacto ejus, quo fidem servavit . . . fidem utique humanorum placitorum, atque pactorum. Verum tamen sine ulla dubitatione minus malum est per deum falsum jurare veraciter, quam per Deum verum fallaciter. Quoniam enim per quod juratur magis est sanctum, tanio magis est paenale perjurium.*

94. Et ratio est, quia iusta de causa licet hoc ab alio petere, quod per se malum non est, & quod benè potest facere, licet sciatur male facturus: hāc enim ratione licitum est mutantum ab eo petere, quem scis daturum sub usura, dum iusta id necessitas exigit. Atqui juramentum per se malum non est, & benè fieri potest, utique per Deum verum. Ergo, &c.

Dices: non licet ab eo juramentum exigere, quem scis pejeraturum. Igitur nec ab eo quem scis per falsos deos juraturum.

Nego consequentem: quia nulla necessitas vel utilitas, nullumque bonum, nec proinde finis juramenti haberi potest ex juramento ejus quem scis pejeraturum: cum nulla ex perjurio utilitas, nullum bonum provenire queat, sine quo perjurium permitti non potest, dum potest impediri; & ideo illicitum esse juramentum exigere ab eo quem scis pejeraturum esse, docet Augustinus serm. 180, alias 28. de verbis Apostoli, & serm. 308. alias 11. ex additis à Parisiensibus. Ex juramento vero per falsos deos provenire potest bonum fidei, seu fidelitatis; ipse proinde finis propter quem institutum est juramentum.

C A P U T I X.

*Licitum non est homini privato inducere quies-
pam ad jurandum falsum, quod inducens
scit falsum esse, licet jurans prius esse verum.*

95. **I**ta Sinnichius in suo Sajile exegi l. 1. §. 664. Julius Mercurius in Basi Theol. Moral. p. 1. a. 5. Gonet de probabilitate fol. milihi 129. contra Tamburinum l. 1. in Decal. c. 1. §. 6. n. 7. Hurtadum de fide, spe, & charit. disp. 173, sect. 15. §. 199.

96. Probatur 1. quia si ex praecepto charitatis tenemur docere ignorantes, ne peccent, etiam materialiter, ut communiter tradunt Doctores cum S. Thom. in 4. dist. 15. q. 3. art. 3. quanto magis cavere debemus, eisdem inducere in errores & peccata, etiam materialia, contra legem Dei vel Ecclesiae: quandoquidem (ut recte Bannez 2. 2. q. 33. a. 2. dub. 3. conc. 4.) licet ille quem inducimus, excusat ob ignorantiam invincibilem ejus ad quod inducitur, nos tamen qui inducimus, & scimus factum & legem, nulla ratione excufari possumus.

* 97. 2. si in Evangelio Matth. 25. reprehenduntur cæci, si cæco ducatum præstant; quanto magis videntes, si cæcum in foveam ducunt?

3. ex amore Dei & zelo honoris ejus, atque ex amore proximi teneor abi plo, quantum commodè possum, averttere etiam peccata materialia: utpote quæ privat Deum gloriā, & proximum maximo bono, moraliter actione secundum virtutem, per quam unusquisque tendit in ultimum finem.

Nec dicas cum Tamburino, jurare falso, 98 quod jurans inculpabiliter putat esse verum, actum religionis esse, ad quem inducere nullum est peccatum. Quia pariter actus religionis est adorare diabolum, quem rusticus ex inculpabili simplicitate putat esse Christum; vel hostiam non consecratam, quam putat esse consecratam: qui tamen hoc scit, sine dubio peccat, inducendo ad talen adorationem. Similiter actus justitiae est, debitum marito invincibiliter putato reddere; ad id tamē illicitum est inducere feminam, cuius scis priorem maritum vivere. Denique servum iusti domini laborare in die quem bona fide putat ferialem, actus obedientiae est; peccat tamen dominus scienter inducens servum ad hoc.

Nec dicas 2. Confessarium posse ad debitum reddendum inducere conjuges ignaros nullitatis matrimonii, dum iusta de causa non potest eos de nullitate monere. Quia tunc concurrunt duo præcepta incompossibilita, in quo concursu præstantius est lequendum, & minus malum eligendum. Est autem minus malum conjuges sequi conscientiam, quam contra eam operati secundum legem invincibiliter ignoratam; de qua si monerentur, rationabiliter ipsis gravius malum timeur, ut suppono. De isto tamen casu alibi plura.

Dixi tamen in conclusione *homini privato*: 100 quia, ut S. Thomas docet q. 98. a. 4. si aliquis exigit juramentum tamquam persona publica, secundum quod exigit ordo juris ad penitentem alterius; non videtur esse in culpa, si ipse juramentum exigit, sive sciat eum falsum jura- re, sive verum. Quia non videtur ille exiger, sed ille ad cuius instantiam exigit. Serio tamen admonet debet juraturum, ut benè videat ne pejeret, aucto remque urgere, ut juramentum remittat, atque insuper explorare, num actor sciat ipsum pejeraturum: quia tunc non licet Judicii juramentum exiger ad petitionem, quam nosset esse injustam, divinaque Maje- stati injuriolam. Ubi vero Judex in causis criminalibus animadvertis, testes paratos ad falsum testimonium ferendum contra reum, & pejerandum, juxta S. Raymundum ex officio tenetur facere quidquid potest, ad repellendum illos à testimonio ferendo, operamque & diligentiam omnem adhibere, ut cauam inveniat repellendi, sicut fecit Daniel in cau- sa Susanna.

Nec in ulla unquam causa juramentum Ju- 101 dex ab utraque parte exiger potest: hoc enim impium est, Christianæque religioni nimis contrarium, ut declarat Concilium Valentini- um III. anni 855, can. 11. hisce verbis: *Quia impia,*

impia, & Deo inimica, & Christiana religio-
ni nimis contraria, ex iniquissima ac detestabili
construione quarundam secularium legum con-
suetudo invaluit, ut in forensi iudicio litigantes
ex ira que parte contendentium equaliter jura-
mentum dare cogantur, ubi sine dubio duobus con-
tra se jurantibus unus perjurus efficiatur: tanti scel-
teris imminat, & animatum perditionem
dolentes, statim, ut quicunque, uno juramen-
to legitime dato, quo secundum legem diuinam om-
nis humanae controversie finis esse debet, alterum
è contrario juramentum opponere presumperit,
ab ipsis liminibus ecclesia, qua sedis impia pro-
fanavit, exclusus, omnium Christianorum con-
sortio atque convivio reddatur extraneus, nisi se
continuò admonitus, ad agendum penitentiam
tanti reatis humili satisfactione inclinaverit.

C A P U T X.

Juramentum promissorium, metu gravi extor-
tum, inducit obligationem, perjurique reus
est qui illud violat, nisi à Romano Pontifice,
vel Episcopo fuerit relaxatum.

102 Robatur 1°. ex cap. debitores de jurejur.
P ubi Alexander III. dicit eos qui ad solven-
das usuras simplici promissione obstrinxerunt
se, cogendos non esse ad solutionem; si vero
de ipsarum solutione juraverint, cogendi sunt
Domino reddere juramentum. Et cum usura so-
luta fuerint, creditores ad eas restituendas sunt
ecclesiastica severitate... compellendi. Et cap. 2°
vero ibidem: si verò aliquis quemquam gravissi-
mo metu, sub religione iuramenti, suum ius re-
frui coegerit, ipsumque sibi resuuerit... non
est tutum contra iuramentum suum venire, nisi
tale sit, quod servatum vergat in iniuriam sa-
lutis aeterna. Nec nos alium dare materiam vo-
lunatus venienti contra iuramentum proprium,
ne autores perjurii videamus.

103 2°. ex Augustino epist. 125, alias 224,
ad Alypium, ubi scribit, quod cum Hippo-
nem, ad invitendum Augustinum, Pimianus
venisset, ibique rei sacre intercesser, tanto po-
puli tumultu ad sacerdotium postulatus fuerit,
ut evadere permisus non fuerit, donec jura-
ret, se Hippone non recessurum, nec con-
sensturum ut in Clerum cooptaretur, nisi in
Ecclesia Hipponensi. De quo cum Albina
& filii conquererentur, allegantes, quod vim
nullam haberet iuramentum, vi metu extor-
tum, respondit Augustinus: Si certa mors
intentareatur, ut aliquid illicitum ac nefarium
servus Dei se juraret esse facturum, mori malle
quam jurare debuerat, ne iurationem scelere
impleret. Nunc vero cum tantummodo populi
perseverantissimus clamor ad nullum nefas ho-
minem cogere, sed ad id quod, si fieret, licite
feret, cùmque metuereur quidem ne aliqui per-
diti, qui multitudini etiam bonorum plerumque
miscentur, occasione seditionis, & quasi justa
indignationis inventa, in aliquam vim scelerata-
tam rapinarum cupiditate prouumperent, sed
tamen illud quod meuebatur esse incertum;
quis censet properter incerta, non dico dama-

Tom. II.

& quilibet injurias corporales, sed propter ip-
sam mortem cavendam, certum perjurium de-
bere committi? Nescio quis ille Regulus nihil
in Scripturis sanctis de impietate false juratio-
nis audierat, nihil de Zacharia falce didice-
rat: « Video falcam volantem (juxta versionem
70.) ... omnis perjurus ex hoc cruciabitur: »
& numerum Carthaginensium, non per Sacra-
menta Christi, sed per demonum inquinamenta
juraverat; & tamen certissimos cruciatus, &
horrendi exempli mortem, non uijuraret necessi-
tate peritum; sed liberè voluntate quia jura-
verat, ne pejeraret exceptit. Et Romana tunc
illa censura noluit habere, non in numero San-
ctorum, sed in numero Senatorum; nec in caelesti
gloria, sed in terrestri curia, non solum eos
qui metu mortis, crudeliumque paenarum aper-
tissime pejerare, quam ad immanes hostes remea-
re maluerant; sed etiam illum qui reatu perju-
rui se putaverat absolum, quia, post juratio-
nem, fiducia nescio quā necessitate redierat. Ita non
attenderunt, qui eum Senatu pepulerunt, quid ip-
se jurando cogitasset (erubescant hīc mentalium
restitutionum patroni) sed quid ab illo, quibus
juraverat, expectarent. Nec legerant, quod
nos usquequaque cantamus: « Qui jurat proximo
suo, & non decipit. » Solemus hac, quamvis
in hominibus à Christi gratia & nomine alienis,
cum ingenti admiratione laudare; & adhuc in li-
bris diuinis inquirendum putamus, utram ali-
quando licet pejeremus, ubi nobis, ne jurandi
facilitate in perjurium prolaboramur, etiam pre-
ceptum est ne juremus. Videnda quoque quæ
epist. 126. ad Albinam scribit.

3°. ex S. Thoma q. 89. a. 7. ad 3. In ju-
ramento, quod quis coactus facit, duplex est
obligatio. Una quidem, quā obligatur homini,
qui aliquid promittit; & talis obligatio tollitur
per coactionem: quia ille qui vim intulit, hoc
meretur, si ei promissum non servetur. Alia
autem est obligatio, quā quis Deo obligatur, ut
impleat quod per nomen ejus promisit; & talis
obligatio non tollitur in foro conscientiae: quia
magis debet damnum temporale sustinere, quam
juramentum violare. Potest tamen repetere in
iudicio, quod solvi, vel Prelato denunciare,
non obstante quod conrariam juravit: quia ta-
le juramentum vergeret in deteriorem exitum.
Esset enim contra iustitiam publicam. Romani
autem Pontifices ab hujusmodi juramentis homi-
nes absolverunt, non quasi decernentes hujusmodi
juramenta non esse obligatoria, sed quasi hujus-
modi obligations ex iusta causa relaxantes.

Dices: votum, metu gravi extortum, 105
non obligat. Ergo nec juramentum.

Nego consequentiam: tum quia aliter de
voto, quam de juramento sacri Canones lo-
quentur. Sicut & aliter de simplici promissio-
ne homini facta, aliter de jurata. Tum quia
votum, ex gravi metu injusto extortum, non est
votum: eo quod tale votum Deus non accep-
ter; juramentum vero, etiam tali metu extor-
tum, Deus acceptat, uti declararunt Summi
Pontifices in sacris Canonibus. Unde cap. 2°

P